

# ত্রিপুরা মুখ ডেইলি

TRIPURA MUKH DAILY

অনলাইন সংস্করণ : [www.tripuramukhdaily.com](http://www.tripuramukhdaily.com)

E-mail : [tripuramukh@gmail.com](mailto:tripuramukh@gmail.com)



TRIPURA MUKH DAILY 24<sup>th</sup> Year 86 Issue 25 March 2023, Saturday ১০ চৈত্র, ১৪২৯ শনিবার, বাংলা Price Rs. 3.00

## ৪১তম আগরতলা বইমেলায় উদ্বোধন করেন মুখ্যমন্ত্রী ডা. মানিক সাহা



আগরতলা। চিত্তা ও চৈতন্য প্রসারের জন্য বই পুস্তক পড়া অত্যন্ত প্রয়োজন। আজ হাঁপানিয়া আন্তর্জাতিক মেলা প্রাঙ্গণে ৪১তম আগরতলা বইমেলায় উদ্বোধন করে মুখ্যমন্ত্রী প্রফেসর (ডা.) মানিক সাহা একথা বলেন। “বসুধৈব কুটুম্বকম, আগরতলা বইমেলা” এই থিম নিয়ে আজ থেকে হাঁপানিয়া আন্তর্জাতিক মেলা প্রাঙ্গণে শুরু হয়েছে ১৩দিনব্যাপী ৪১তম আগরতলা বইমেলা। বইমেলায় উদ্বোধনী অনুষ্ঠানে মুখ্যমন্ত্রী সহ অন্যান্য অতিথিগণ বাংলা ও ককবরকে বইমেলায় থিম সং, স্মরণিকা, গোমতী”র বইমেলা সংখ্যার আবরণ উন্মোচন করেন। বইমেলায় উদ্বোধন করে মুখ্যমন্ত্রী বলেন, আজকের এই বইমেলা প্রাঙ্গণে উপস্থিত



হয়ে উচ্ছ্বসিত জনতার ভিড় আমাকে আশ্বস্ত করেছে। এক অদ্ভুত পরিবেশ সৃষ্টি হয়েছে বই এবং নবীন প্রজন্মের উপস্থিতিতে। ১৯৮১ সালে শুরু হওয়া বইমেলা আজ অনন্য কলেবরে হাঁপানিয়া আন্তর্জাতিক মেলা প্রাঙ্গণে অনুষ্ঠিত হচ্ছে। তিনি আরও বলেন, বর্তমানে ডিজিটাল যুগে ছাত্রছাত্রীদের মধ্যে বই পড়ার হার হ্রাস পেয়েছে। বই না পড়লে শরীরের মধ্যে সূচিস্থিত চৈতন্যের অভাব বোধ হয়। মুখ্যমন্ত্রী বইমেলায় ছাত্রছাত্রীদের পাঠ্যবইয়ের পাশাপাশি অন্যান্য বই কেনার জন্য আহ্বান জানান। মুখ্যমন্ত্রী নিজের কেশোর অবস্থার স্মৃতিচারণা করতে গিয়ে বলেন, সেই সময় নতুন বই হাতে পাওয়ার দ্বিতীয় পৃষ্ঠায় দেখুন—

## এক পিস্তল ২ রাউন্ড তাজা কার্তুজ সহ এক নেশা কারবারি পুলিশের জালে

ত্রিপুরা মুখ ডেইলি, আগরতলা প্রতিনিধিঃ বিজেপি সরকারের দ্বিতীয় মেয়াদ শুরু হতেই ত্রিপুরা পুলিশের নেশা বিরোধী অভিযান জোড়ালো ভাবে বৃদ্ধি পেয়েছে প্রতিদিন। আবার একের পর একের বড় ধরনের সাফল্য পাচ্ছে পুলিশ। রাজ্যে এখন চকলেটের মত সহজলভ্য হয়ে উঠছে বিভিন্ন প্রকার নেশা সামগ্রী। গতকাল আগরতলা শহর এলাকায় নেশা বিরোধী অভিযান চালিয়ে চার জনকে গ্রেফতার করা হয়েছিল। এদের জিজ্ঞাসাবাদে আরো এক জনের খবর পেয়ে তাকে গ্রেপ্তার করে এবং প্রচুর পরিমাণ নেশা জাতীয় সামগ্রী এবং আগ্নেয়াস্ত্র উদ্ধার করেছে পুলিশ।

আটক ৪ নেশা কারবারিকে জিজ্ঞাসাবাদ করে গতকাল রাতেই আরো এক নেশা কারবারিকে জালে তুলেছে বলে জানিয়েছে পুলিশ। তাকে জিজ্ঞাসাবাদ করে একটি বাড়িতে তল্লাশি চালিয়ে প্রচুর পরিমাণ ইয়াবার ট্যাবলেট একটি পিস্তল এবং তাজা কার্তুজ সহ আপত্তিকর জিনিসপত্র উদ্ধার করা হয়েছে। ঘটনা সম্পর্কে বিস্তারিত তথ্য দিতে গিয়ে সদরের মহকুমা পুলিশ আধিকারিক



অজয় দাস জানান গতকাল চারজন নেশা কারবারিকে আটক করা হয়েছিল। তাদেরকে জিজ্ঞাসাবাদ করে আরও এক নেশা কারবারিকে রামঠাকুর সংঘ এলাকা থেকে আটক করা হয়। তার নাম সানি সাহা। জিজ্ঞাসাবাদে সে আরও এক ব্যক্তির নাম পুলিশকে জানায়। সে অনুযায়ী ওই বাড়িতে হানা দিয়ে পুলিশ গতকাল রাতেই ১৫০০ ইয়াবা ট্যাবলেট একটি পিস্তল ২ রাউন্ড তাজা কার্তুজ একটি আরটিকা গাড়ি জব্দ করা হয়েছে। অবশ্য বাড়ির মালিককে আটক করতে সক্ষম হয়নি পুলিশ। তাকে আটক করার জন্য পুলিশের তৎপরতা অব্যাহত রয়েছে। তদন্তের স্বার্থে পুলিশ অবশ্য ওই বাড়ির মালিকের নাম প্রকাশ্যে আনেনি। পুলিশের তৎপরতা অব্যাহত রয়েছে। সদরের মহকুমা পুলিশ আধিকারিক অজয় দাস জানিয়েছেন আগরতলা শহর ও শহরতলী এলাকায় যারা নেশা কারবারির সঙ্গে জড়িত তাদেরকে আটক করে পুলিশ কঠোর ব্যবস্থা গ্রহণ করবে। নেশার সাথে জড়িত পুরো গ্যাংকে জালে তুলবে। রাজ্য সরকার নেশা মুক্ত রাজ্য গঠন করার যে অঙ্গীকার গ্রহণ করেছে তা বাস্তবায়িত করার লক্ষ্যেই পুলিশ এ ধরনের তৎপরতা বৃদ্ধি করেছে বলেও জানিয়েছেন মহকুমা পুলিশ আধিকারিক।

## বিধানসভার ১৫ তম অধ্যক্ষ বিশ্ববন্ধু সেন বিরোধী দলনেতা তিপ্রা মথার অনিমেঘ দেববর্মা

ত্রিপুরা মুখ ডেইলি, নিজস্ব প্রতিনিধিঃ বিজেপি বিধায়ক বিশ্ববন্ধু সেন ৩২ ভোট পেয়ে ১৩ তম ত্রিপুরা বিধানসভার ১৫ তম স্পিকার হিসাবে নির্বাচিত হয়েছেন। বিরোধী সিপিআইএম এবং কংগ্রেস বিধায়ক গোপাল চন্দ্র রায়কে বিরোধী জোটের স্পিকার পদের জন্য প্রার্থী করেছিল। ১৪ ভোট পেতে সক্ষম হয়েছিল। এর আগে তিপ্রা মথা বিরোধী প্রার্থীকে সমর্থন করার কথা বলেন। যদিও বিজেপি একক সংখ্যাগরিষ্ঠতা নিয়ে সরকার গঠন করেছে। সেক্ষেত্রে অধ্যক্ষ ও শাসক দল থেকেই হবে স্বাভাবিক। কিন্তু তিপ্রা মথার সমর্থন পেতেই দুশ্চিন্তার ভাঁজ শাসক দলের কপালে। কিন্তু নির্বাচনের এক দিন আগে বাজিমাতে করেন স্বরাষ্ট্র মন্ত্রী। তিপ্রা মথা সুপ্রীম প্রদ্যুং মানিক্যকে




ফোন করে জানিয়ে দেন মধ্যস্থকারি নিয়োগ করা হবে। তাও আবার বিধায়ক বিধানসভায় বসার ব্যবস্থার তাদের দাবি সংশোধন করা হয়নি বলে ঘরের ফ্লোর থেকে ওয়াক আউট করেছিলেন তিপ্রা মথা। শুক্রবার সকালে, প্রোটম স্পিকার বিনয় ভূষণ

দাস রাজ্য বিধানসভার স্পিকার পদের জন্য বিজেপি বিধায়ক বিশ্ববন্ধু সেনের পক্ষে মন্ত্রিপরিষদ মন্ত্রী রতন লাল নাথ, প্রণজিৎ সিংহ রায় এবং বিকাশ দেববর্মার প্রস্তাবগুলি ঘোষণা করেছিলেন। একইভাবে, বিরোধী সিপিআইএম এবং কংগ্রেস বিধায়করা

স্পিকার পদের জন্য বিধায়ক গোপাল চন্দ্র রায়ের নাম প্রজেক্ট করেছিলেন। এর পরে, তিপ্রা মথার বিধায়ক অনিমেঘ দেববর্মা তাদের শপথ অনুষ্ঠানের দিন বসার ব্যবস্থা সম্পর্কে তাদের দাবি উত্থাপন করেছিলেন এবং সেগুলি শোনা যায়নি। সে অনুযায়ী তারা ভোটগ্রহণ বর্জন করে ঘরের মেঝে থেকে বেরিয়ে যান। তবে প্রোটম স্পিকার বিবি দাস জানান, তাদের দাবি নিয়ে পরে আলোচনা হবে এবং স্পিকার নির্বাচনের প্রক্রিয়া শুরু হোক। নির্বাচন শেষ হওয়ার পরে, দাস ফলাফল ঘোষণা করেন যে বিজেপি বিধায়ক বিশ্ববন্ধু সেন স্পিকার নির্বাচিত হয়েছেন। নবনির্বাচিত স্পিকার বিশ্ববন্ধু সেনকে অভিনন্দন জানিয়ে ট্রেজারি বেঞ্চার পক্ষে দ্বিতীয় পৃষ্ঠায় দেখুন—

## সাজা পাওয়ার একদিন পরেই সাংসদ পদ হারালেন সোনিয়া পুত্র রাহুল গান্ধির সাংসদ পদ খারিজ আদালতের নির্দেশের ফলাফল, এর পেছনে কোনও রাজনীতি নেই : বিজেপি

নয়াদিল্লী। গতকালের আদালতের রায়ের পর জল্পনা ছিলই। বাস্তবে তাই পরিণত হল। সাংসদ পদ খোয়ালেন সোনিয়া পুত্র কংগ্রেস নেতা রাহুল গান্ধি। মোদি পদবি ঘিরে মন্তব্যের জেরে আদালত তাঁকে ২ বছরের সাজা শোনায়ে নিয়ম মেনে সাংসদ পদ খারিজ হয়ে গেল রাহুল গান্ধির। তাঁর সাংসদ পদ খোয়ানো নিয়ে জল্পনার মাঝেই শুক্রবার সকালে সংসদে ঘুরে যান কংগ্রেস নেতা রাহুল গান্ধি। বৃহস্পতিবার সুরাতের একটি আদালত তাঁকে মানহানির মামলায় দোষী সাব্যস্ত করে দুই বছরের কারাদণ্ড দেয়। কণ্ঠটিকের কোলারে একটি প্রাক-নির্বাচনী সমাবেশে রাহুল গান্ধি ‘মোদি’ পদবি সম্পর্কে যে মন্তব্য করেছিলেন তার জন্যই তাঁকে কারাদণ্ডে দণ্ডিত করা হয়েছে। বৃহস্পতিবার সুরাত আদালত কণ্ঠটিকের একটি নির্বাচনী সমাবেশে ২০১৯ সালে রাহুল গান্ধির ‘মোদি পদবি’ মন্তব্যের জন্য ফৌজদারি মানহানির মামলায় কংগ্রেস নেতাকে



দোষী সাব্যস্ত করে দুই বছরের কারাদণ্ডে দণ্ডিত করে। তাঁকে ৫০ হাজার টাকা জরিমানাও করা হয়। তবে রাহুলকে জামিন দেয় আদালত। রাহুল ২০১৯ সালের এপ্রিল মাসে কণ্ঠটিকের কোলারে লোকসভা নির্বাচনের প্রচারে জনসভায় গিয়ে বলেছিলেন, ‘কীভাবে সব চোরেদের পদবি মোদি!’ এই মন্তব্যের জন্য রাহুল গান্ধির বিরুদ্ধে ফৌজদারি মানহানির মামলা করেছিলেন সুরাত পশ্চিমের বিজেপি বিধায়ক পূর্ণেশ মোদি। এই মামলা রায়ের পর থেকেই চারিদিকে জল্পনা তৈরী হয় তাহলে কি এবার সাংসদ পদ খোয়াবেন। বাস্তবে হলোও তাই। লোকসভা স্পিকার রাহুল গান্ধির সাংসদ পদ থেকে বরখাস্ত করেন। এরপর থেকে শুরু হয় রাজনৈতিক অভিযোগে পাল্টা অভিযোগ। লোকসভার সচিবালয়ের কংগ্রেস নেতা রাহুল গান্ধির সাংসদ পদ খারিজ করাটা আদালতের নির্দেশের ফলাফল। এর পেছনে কোনও রাজনীতি নেই। দ্বিতীয় পৃষ্ঠায় দেখুন—



# আলোচনা ছাড়াই মোদী সরকার লোকসভায় পাশ করিয়ে নিল অর্থবিল ! প্রতিবাদ বিরোধীদের

ইঙ্গিত মিলেছিল আগেই। তা মিলেও গেল। কোনও বিতর্ক ছাড়াই শুক্রবার লোকসভায় অর্থবিল পাশ করিয়ে নিল নরেন্দ্র মোদী সরকার। আদানিকাণ্ডে যৌথ সংসদীয় কমিটি (জেপিসি)-র মাধ্যমে তদন্তের দাবিতে বিরোধী সাংসদদের বিক্ষোভের মধ্যেই কেন্দ্রীয় অর্থমন্ত্রী নির্মলা সীতারামন লোকসভায় অর্থবিল পেশ করেন। স্পিকার ওম বিড়লার অনুমতিতে আলোচনা ছাড়াই ধ্রুনিভোটে তা পাশ হয়ে যায়। অর্থবিলে অবসরপ্রাপ্ত সরকারি কর্মচারীদের পেনশন সংক্রান্ত বিষয়টি খতিয়ে দেখার জন্য নতুন কমিটি গঠনের প্রস্তাব রয়েছে। রয়েছে বিদেশ সফরের সময় ক্রেডিট কার্ডের নিয়মে রদবদল সংক্রান্ত রিজার্ভ ব্যাঙ্ক অফ ইন্ডিয়া (আরবিআই)-র প্রস্তাবও। সব মিলিয়ে মোট ৪৫টি সংশোধনী-সহ পাশ হয়েছে আগামী অর্থবর্ষের অর্থবিল। অর্থবিলে অবসরপ্রাপ্ত সরকারি কর্মচারীদের পেনশন সংক্রান্ত বিষয়টি খতিয়ে দেখার জন্য নতুন কমিটি গঠনের প্রস্তাব রয়েছে। রয়েছে বিদেশ সফরের সময় ক্রেডিট কার্ডের নিয়মে রদবদল সংক্রান্ত রিজার্ভ ব্যাঙ্ক অফ ইন্ডিয়া (আরবিআই)-র প্রস্তাবও। সব মিলিয়ে মোট ৪৫টি সংশোধনী-সহ পাশ হয়েছে আগামী অর্থবর্ষের অর্থবিল। প্রসঙ্গত, বৃহস্পতিবারও বিরোধীদের বিক্ষোভের মধ্যেই আগামী অর্থবর্ষে কেন্দ্রের বিভিন্ন মন্ত্রকের বাজেটের ৪৫ লক্ষ কোটি টাকা ব্যয় বরাদ্দ সংক্রান্ত প্রস্তাব ধ্রুনিভোটে পাশ করিয়ে নিয়েছিল কেন্দ্র। বাজেটের নথি জানাচ্ছে, ২০২৩-২৪ সালে কেন্দ্রের বিভিন্ন মন্ত্রকে মোট আনুমানিক ব্যয় ৪৫ লক্ষ কোটি টাকা



ধার্য করা হয়েছে। যার মধ্যে মোট মূলধন ব্যয় ধরা হয়েছে ১০ লক্ষ কোটি টাকা। চলতি অর্থবর্ষের ব্যয় আনুমানিক ৪১.৮ লক্ষ কোটি টাকা। আগামী ৬ এপ্রিল পর্যন্ত সংসদের বাজেট অধিবেশনের দ্বিতীয় পর্বের অধিবেশন চলার কথা। কিন্তু কর্ণটিকের আসন্ন বিধানসভা ভোটকে ‘পাখির চোখ’ করা পদ্ম-শিবির তার আগেই অধিবেশনে ইতি টানতে পারে বলে মনে করছে বিরোধী দলগুলি।

# মোদীর সঙ্গে বৈঠকের আগেই কোভিড আক্রান্ত বিশ্ব ব্যাঙ্কের পরবর্তী প্রেসিডেন্ট অজয় বঙ্গা

চলতি সপ্তাহেই প্রধানমন্ত্রী নরেন্দ্র মোদীর সঙ্গে তাঁর বৈঠকের কথা ছিল। তার আগে জানা গেল, করোনাভাইরাস আক্রান্ত বিশ্বব্যাঙ্কের পরবর্তী প্রেসিডেন্ট অজয় বঙ্গা। অর্থ

অজয়কে ফেব্রুয়ারিতে বিশ্ব ব্যাঙ্কের পরবর্তী প্রেসিডেন্ট পদপ্রার্থী হিসাবে মনোনীত করেন আমেরিকার প্রেসিডেন্ট জো বাইডেন। প্রসঙ্গত, দীর্ঘ দিনের ঐতিহ্য মেনেই বিশ্ব ব্যাঙ্কের

অর্থনীতির স্নাতক। পরে আমদাবাদে ইন্ডিয়ান ইনস্টিটিউট অফ ম্যানেজমেন্ট থেকে এমবিএ করেন। ‘নেসলে ইন্ডিয়া’-র হাত ধরে কর্মজীবন শুরু হয় বঙ্গার। এর পর কাজ করেন সিটি ব্যাঙ্কেও। ১৯৯৬ সালে আমেরিকা পাড়ি দেন বঙ্গা। সেখানে ‘পেপিসিকো’ সংস্থায় যোগ দেন। ১৩ বছর ওই সংস্থায় কর্মরত ছিলেন তিনি। সিইও-সহ সংস্থার একাধিক পদে দায়িত্ব সামলেছেন। ২০০৯ সালে মাস্টারকার্ডের প্রেসিডেন্ট এবং চিফ অপারেটিং অফিসার হিসাবে দায়িত্বভার গ্রহণ করেন অজয়। পরে ওই সংস্থার সিইও হন। বঙ্গার নেতৃত্বে বিশ্ব দরবারে মাস্টারকার্ডের ব্যাপ্তি ঘটে। ‘ইন্টারন্যাশনাল ক্রিকেট কাউন্সিল’, ‘ইউএস-ইন্ডিয়া সিইও ফোরাম’-এর মতো অলাভজনক সংস্থার সদস্য বঙ্গা বিশ্ব ব্যাঙ্কের প্রেসিডেন্ট মনোনীত হওয়ার আগে ‘জেনারেল আটলান্টিক’-এর শেয়ার লেনদেন সংস্থার ভাইস চেয়ারম্যান পদে ছিলেন।



মন্ত্রকের একটি সূত্র জানাচ্ছে, বৃহস্পতিবার রুটিন পরীক্ষার সময়ই জানা যায় ভারতীয় বংশোদ্ভূত অজয় কোভিড-১৯ পজিটিভ। অতীতে মাস্টারকার্ডের সিইও পদে দায়িত্ব সামলানো, পদ্মশ্রী সম্মানে ভূষিত

শীর্ষ পদাধিকারী নির্বাচন করে আমেরিকা। আন্তর্জাতিক অর্থভান্ডারের (আইএমএফ)-এর ক্ষেত্রে তা করে ইউরোপীয় ইউনিয়ন। ৬৩ বছর বয়সি বঙ্গার জন্ম পুণেতে। দিল্লিতে সেন্ট স্টিফেন্স কলেজের

# রাহুল গান্ধী আর সাংসদ নন, লোকসভার সদস্যপদ খারিজ করে দিলেন স্পিকার ওম বিড়লা

‘মোদী’ পদবি নিয়ে আপত্তিকর মন্তব্যের দায়ে দু’বছর জেলের সাজাপ্রাপ্ত রাহুল গান্ধীর সাংসদ পদ খারিজ করতে চলেছেন লোকসভার স্পিকার ওম বিড়লা। শুক্রবার লোকসভা সচিবালয়ের সূত্র উদ্ধৃত করে প্রকাশিত খবরে এ কথা জানানো হয়েছে। বৃহস্পতিবার গুজরাতে সূরাত জেলা আদালত রাহুলকে ‘অপরাধমূলক মানহানির’ মামলায় দোষী সাব্যস্ত করে ২ বছর জেলের সাজা দিয়েছিল। তারই ভিত্তিতে



ভারতীয় সংবিধানের ১০২(১)-ই অনুচ্ছেদ এবং জনপ্রতিনিধিত্ব আইন (১৯৫১)-র ৮ নম্বর অনুচ্ছেদ অনুযায়ী রাহুলের সাংসদ পদ খারিজ করা হল। এই পরিস্থিতিতে শুক্রবার নরেন্দ্র মোদী সরকারে বিরুদ্ধে ক্ষমতার অপপ্রয়োগের অভিযোগ তুলে অন্য বিরোধী দলগুলিকে নিয়ে আন্দোলনের পথে নেমেছে কংগ্রেস। শুক্রবার দলের সভাপতি মল্লিকার্জুন খাঙ্গো ১২টি বিরোধী দলের নেতাদের সঙ্গে বৈঠক করেন। বাম, জেডি(ইউ), ডিএমকের পাশাপাশি বৈঠকে ছিল অরবিন্দ কেজরীওয়ালের আম আদমি পার্টি (আপ)-ও। এর পরে সংসদ ভবন থেকে মিছিল করে রাস্তাপতি ভবনে যান তাঁরা। সূরাত জেলা আদালতের বিচারক এইচএইচ বর্মা অবশ্য রাহুলকে ১০ হাজার টাকার জামিনে মুক্তি দিয়ে ৩০ দিনের মধ্যে উচ্চতর আদালতে আপিল করার অনুমতি দিয়েছেন। কিন্তু

দোষী সাব্যস্ত করার উপর কোনও স্থগিতাদেশ দেননি তিনি। এ ক্ষেত্রে ওয়েনাদ্ভের কংগ্রেস সাংসদের পদ রক্ষার পথে অন্তরায় হয়েছে, ২০১৩ সালের সুপ্রিম কোর্টের একটি রায়। ঘটনাচক্রে, এক দশক আগে ওই রায় কার্যকর করার পথ প্রশস্ত করে দিয়েছিলেন তিনিই। আইন বিশেষজ্ঞদের একাংশ জানিয়েছেন, বৃহস্পতিবার গুজরাত আদালত দু’বছরের সাজা দেওয়ায় আইনি দৃষ্টিতে ভারতীয় সংবিধানের ১০২(১)-ই অনুচ্ছেদ এবং জনপ্রতিনিধিত্ব আইন (১৯৫১)-র ৮ নম্বর অনুচ্ছেদ অনুযায়ী রাহুলের সাংসদ পদ খারিজ হওয়ার কথা। জনপ্রতিনিধিত্ব আইন অনুযায়ী, কোনও অপরাধে দোষী সাব্যস্ত হয়ে সাংসদ-বিধায়কের দু’বছর বা তার বেশি কারাদণ্ড হলে তৎক্ষণাৎ সাংসদ বা বিধায়ক পদ চলে যাবে। আইন বিশেষজ্ঞদের বক্তব্য, সেই হিসেবে রাহুলের সাংসদ পদ অবিলম্বে খারিজ হওয়ার কথা। জনপ্রতিনিধিত্ব আইনে আগে বলা ছিল, সাংসদ-বিধায়ক দোষী সাব্যস্ত হলে তাতে স্থগিতাদেশ পাওয়ার জন্য তিন মাস সময় পাবেন। ২০১৩-য় সুপ্রিম কোর্ট কেন্দ্রীয় সরকার বনাম লিলি টমাস মামলায় আইনের সেই ধারাটি নাকচ করে রায় দিয়েছিল, দু’বছরের কারাদণ্ডের সাজার অপরাধে দোষী সাব্যস্ত হলেই সাংসদ পদ চলে যাবে। পশুখান্দা কেলেকারিতে অভিযুক্ত লালু প্রসাদের সাংসদ পদ বাঁচাতে মনোহন সিংহের সরকার অধ্যাদেশ জারি করে সুপ্রিম কোর্টের রায় উল্টে দিয়ে পুরনো ব্যবস্থা বহাল রাখার চেষ্টা করেছিল।

# পশ্চিমি ঝঞ্ঝায় উত্তর ভারতে শিলাবৃষ্টি, প্রাকৃতিক দুর্যোগ, ফসল নষ্ট হওয়ার আশঙ্কা চাষিদের

পশ্চিমি ঝঞ্ঝার জেরে উত্তর-পূর্ব এবং মধ্য ভারতের একাংশে ভারী বৃষ্টিপাতের পূর্বাভাস দিল মৌসম ভবন। আবহাওয়া দফতর সূত্রে খবর, মধ্য এশিয়ায় ইরানের কাছে পশ্চিমি ঝঞ্ঝার সৃষ্টি হয়েছে। তার জেরেই উত্তর ভারতের বিস্তীর্ণ অংশে এবং মধ্যে ভারতের একাংশে ভারী বর্ষণ হতে পারে। সপ্তাহের শেষে প্রবল বৃষ্টিপাতের সঙ্গে শিলাবৃষ্টিও হতে পারে। মূলত জম্মু, হিমাচলপ্রদেশ, উত্তরাখণ্ড, পঞ্জাব, হরিয়ানা, উত্তরপ্রদেশের পশ্চিমাঞ্চল এবং রাজস্থানে শুক্রবার দুপুর থেকেই ভারী বর্ষণ হতে পারে। শনিবার ভারী বৃষ্টি হতে পারে উত্তরাখণ্ডে। সপ্তাহান্তে শিলাবৃষ্টি হতে পারে ছত্তীসগড়, মধ্যপ্রদেশ এবং মহারাষ্ট্রের বিদর্ভে। রাজস্থানের উপর ইতিমধ্যেই একটি নিম্নচাপ অক্ষরেখা সক্রিয় আছে। তার জেরে দুর্যোগের প্রাবল্য বাড়বে বলে মনে করা হচ্ছে। এই দুর্যোগের জেরে পঞ্জাব, হরিয়ানার মতো কৃষিপ্রধান রাজ্যে ক্ষেতের ফসল হতে পারে বলে কৃষকদের আশঙ্কা। কেন্দ্রীয় আবহাওয়া দফতর সূত্রে খবর, ফেব্রুয়ারির শেষে এবং মার্চের শুরুতে উত্তর ভারতের বেশ কিছু রাজ্যে বৃষ্টিপাত শুরু হয়ে যাওয়ায় বিস্তীর্ণ অংশে পানদপতন হয়েছে। আবহাওয়া দফতরের ডিরেক্টর জেনারেল এম মহাপাত্র জানিয়েছেন, এই বৃষ্টিকে প্রাক-মরসুমি বৃষ্টিপাত বলা যেতে পারে।

তবে অন্যান্য বছরের তুলনায় এ বার এই ধরনের বৃষ্টিপাত আগেই শুরু হতে চলেছে বলে জানিয়েছেন তিনি। তবে এর মধ্যে কোনও অস্বাভাবিকতা দেখছে না আবহাওয়া দফতর।

# মুখ্যমন্ত্রী ডা. মানিক সাহা

প্রথম পৃষ্ঠার পর—জন্ম তারা বীরচন্দ্র স্টেট সেন্ট্রাল লাইব্রেরির সামনে লাইন দিতেন। বইমেলা উপলক্ষে স্টলের সংখ্যা বৃদ্ধি পাওয়ায় তিনি আয়োজক তথ্য ও সংস্কৃতি দপ্তরের প্রশংসা করেন। আগামীদিনেও বইমেলায় পরম্পরা বজায় থাকার পাশাপাশি এর শ্রীবৃদ্ধি ঘটবে বলে তিনি আশা প্রকাশ করেন। অনুষ্ঠানে বক্তব্য রাখতে গিয়ে পর্যটনমন্ত্রী সুশান্ত চৌধুরী বলেন, ডিজিটাল যুগে বইয়ের চাহিদা কমলেও এর গুরুত্ব আজও অমলিন। বইমেলায় লেখক, প্রকাশক, পাঠক ও পাঠিকাদের মধ্যে জ্ঞান এবং মননের যে আদান প্রদান হয় সেটাই মুখ্য।

অনুষ্ঠানে পর্যটনমন্ত্রী সুশান্ত চৌধুরীর আগ্রহে মুখ্যমন্ত্রী প্রফেসর (ডা.) মানিক সাহা তথ্য ও সংস্কৃতি দপ্তরকে আগামীদিনে জেলা এবং মহকুমা স্তরে বইমেলা আয়োজন করার জন্য পরামর্শ দেন। পর্যটনমন্ত্রী আরও বলেন, এই রাজ্যের প্রতিটি বইমেলাতে বাংলাদেশের প্রতিনিধিরাও উপস্থিত থাকেন। কারণ এপার এবং ওপার বাংলার মানুষ সকলেই একে অপরের পরিপূরক। হাঁপানিয়া আন্তর্জাতিক মেলা প্রাঙ্গণে বইমেলা আয়োজনের

গুরুত্ব বুঝাতে গিয়ে পর্যটনমন্ত্রী বলেন, উন্নয়নের নিরিখে আগরতলা শহরের আয়তন বাড়ছে। তাই বর্ধিত এলাকাগুলিতে এবং সময়ের দাবি মেনে আগরতলা বইমেলা এবং এর মতো অন্যান্য বড় বড় কর্মসূচিগুলিকে আগরতলা শহরের মূল কেন্দ্রের বাইরে আয়োজন করা হচ্ছে। অনুষ্ঠানে বক্তব্য রাখতে গিয়ে গণপ্রজাতন্ত্রী বাংলাদেশের এমপি প্রাণ গোপাল দত্ত বলেন, বাংলা ভাষাকে আরও এগিয়ে নিয়ে যাওয়ার ক্ষেত্রে এই ধরনের বইমেলায় আয়োজন অত্যন্ত জরুরি। বইমেলা হলো পাঠক, লেখক, প্রকাশকদের মিলন মেলা। তিনি এতো বড় বইমেলা সুন্দর ও সুষ্ঠুভাবে আয়োজন করার জন্য আয়োজকদের ধন্যবাদ জানান। এছাড়াও বক্তব্য রাখেন বিধায়ক রামপ্রসাদ পাল, বিধায়ক মিনা রাণী সরকার। স্বাগত বক্তব্য রাখেন তথ্য ও সংস্কৃতি দপ্তরের সচিব ড. পি কে চক্রবর্তী। উদ্বোধনী অনুষ্ঠান শেষে মুখ্যমন্ত্রী সহ অন্যান্য অতিথিগণ ৪১তম আগরতলা বইমেলায় থিম প্যাভেলিয়ন, ফটো এক্সিবিশন গ্যালারি, বাংলাদেশ প্যাভেলিয়ন ইত্যাদির উদ্বোধন করেন ও পরিদর্শন করেন।

# তিপ্রা মথার অনিমেঘ দেববর্ম

প্রথম পৃষ্ঠার পর—মুখ্যমন্ত্রী ডাঃ সাহা বলেছেন যে আগামী পাঁচ বছরে বিধানসভা অধিবেশন ফলপ্রসূ হতে চলেছে। এদিকে, রাজ্যপাল সত্যদেও নারায়ণ আর্য নতুন বিধানসভা অধিবেশনের উদ্বোধনী ভাষণ দিয়েছেন। বিরোধী দলগুলির পক্ষ থেকে, সিপিআইএম বিধায়ক জিতেন্দ্র চৌধুরী, কংগ্রেস বিধায়ক গোপাল চন্দ্র রায় এবং তিপ্রা মথা বিধায়ক অনিমেঘ দেববর্মার নতুন স্পিকারকে আন্তরিক শুভেচ্ছা জানিয়েছেন।

এর পর ধন্যবাদ জ্ঞাপন করেন ক্যাবিনেট মন্ত্রী রতন লাল নাথ। বিধানসভা অধিবেশনের প্রথমার্ধে মূলতবি হওয়ার আগে, স্পিকার সেন ব্যবসা উপদেষ্টা কমিটির পদাধিকার বলে তার নাম ঘোষণা করেন এবং সদস্যরা হলেন রতন লাল নাথ, সুশান্ত চৌধুরী, কল্যাণী সাহা রায়, রামপদ জামাতিয়া, সুবোধ দেববর্মার, নির্মল বিশ্বাস। বিরাজিত সিনহা। রাজ্যের ত্রয়োদশ বিধানসভায় এবার

ব্যতিক্রমী, বিরোধী দলনেতার আসন দখল করেছে আঞ্চলিক রাজনৈতিক দল তিপ্রা মথার অনিমেঘ দেববর্মার। বিধানসভার দ্বিতীয় বেলায় অনিমেঘ দেববর্মার প্রথমেই শুভেচ্ছা ও ধন্যবাদ জ্ঞাপন করেন রাজ্য বিধানসভার নবনির্বাচিত অধ্যক্ষ বিশ্ববন্ধু সেনকে। তারপর রাজ্যের মুখ্যমন্ত্রী থেকে শুরু করে মন্ত্রিপরিষদের সমস্ত সদস্য ও শাসক বিরোধী সকল অংশের বিধায়কদের শুভেচ্ছা জানিয়েছেন। এদিন বিধানসভার প্রথম অধিবেশনে বক্তব্য রাখতে গিয়ে বিরোধী দলনেতা অনিমেঘ দেববর্মার বলেন, সরকারের পাশে থেকেই আমরা জনগণের উন্নয়নমূলক সমস্ত কাজে সহযোগিতা করব তবে জনস্বার্থ বিরোধী সরকারের সমস্ত কাজের সমালোচনা ও আলোচনার মাধ্যমে সমাধান করার জন্য সচেষ্ট থাকব। সরকারি উন্নয়ন কাজে কখনোই বাধা হয়ে দাঁড়াব না। মুখ্য সচেষ্টক পদে বহাল রয়েছেন বিধায়ক কল্যাণী রায়।

# কোনও রাজনীতি নেই ঃ বিজেপি

প্রথম পৃষ্ঠার পর—রাহুলকে নিয়ে সংসদের সিদ্ধান্ত প্রসঙ্গে বিরোধীরা যখন কেন্দ্রকে নিশানা করছে, তখন দলের অবস্থান স্পষ্ট করতে এমনই দাবি করল বিজেপি। তাঁদের মতে, আইনের সামনে সবাই সমান। প্রবীণ বিজেপি নেতা ভূপেন্দ্র যাদব বলেছেন, রাহুল গান্ধি নিজেকে পর্যাপ্ত সুযোগ পেয়েছেন এবং সমস্ত নিয়ম অনুসরণ করা হয়েছে, যার ফলে তাঁর সাংসদ পদ খারিজ করা হয়েছে। তাঁর কথায়, যখন এই নির্দেশ এসেছে

তখন কংগ্রেস সেই নির্দেশের বিরুদ্ধে প্রতিবাদ করছে। তারা আইনি ব্যবস্থার অপব্যবহার করছে। এই দেশের সিস্টেম আইন অনুযায়ী চলে এবং এর আগে অন্যান্য জনপ্রতিনিধিদের বিরুদ্ধেও একই ধরনের ব্যবস্থা নেওয়া হয়েছে। আইন সবার উপরে। আদালতের রায়কে মান্যতা দিতে হবে। বিজেপির অভিযোগ কংগ্রেস সব কিছুতেই রাজনৈতিক কোন দেখেন। তা না করে নিজেরা সঠিক মন্তব্য করতে শিখুন বলে কটাক্ষ করেন বিজেপি।



## ক্রীড়া সংবাদ

## প্রেসক্লাবে স্পোর্টস এন্ড গেমস আজ দাবা, কাল ক্রিকেট

ক্রীড়া প্রতিনিধি, আগরতলা, ২৪ মার্চ।। আগরতলা প্রেসক্লাব আয়োজিত 'গেমস এন্ড স্পোর্টস ফেস্ট -’’২৩ চলছে জোরকদমে। আগামী ২৬ মার্চ, রবিবার, আস্তাবলে স্বামী বিবেকানন্দ ময়দানে অনুষ্ঠিত হবে সাংবাদিকদের মধ্যে ক্রিকেট প্রতিযোগিতা।

অংশগ্রহণকারী ৪০ জন ক্রিকেটার সাংবাদিককে চারটি দলে ভাগ করে নকআউট প্রথায় প্রতিযোগিতা অনুষ্ঠিত। এছাড়া মহিলা সাংবাদিক ও ত্রিপুরা ক্রিকেট এসোসিয়েশনের মহিলা ক্রিকেটারদের মধ্যে একটি প্রদর্শনী প্রীতি ক্রিকেট ম্যাচে অনুষ্ঠিত হবে। প্রতিযোগিতার আনুষ্ঠানিক উদ্বোধন করবেন রাজ্যের অন্যতম রঞ্জি অধিনায়ক তথা প্রাক্তন ক্রিকেটার রাজীব দেববর্মা। এদিকে আগামীকাল আগরতলা প্রেসক্লাবের কনফারেন্স হলে সাংবাদিকদের মধ্যে দাবা প্রতিযোগিতা অনুষ্ঠিত হবে। তাতে সহযোগিতায় থাকবে মেট্রিক্স চেস একাডেমি।

অংশগ্রহণেচ্ছু সাংবাদিক খেলোয়াড় অর্থাৎ নিদিষ্ট সময়ে খাঁরা নাম নথিভুক্ত করেছেন, তাদের প্রত্যেককে ঠিক বেলা এগারোটার মধ্যে প্রতিযোগিতা স্থলে রিপোর্ট করার জন্য অনুরোধ করা হচ্ছে। উল্লেখ্য, প্রতিযোগিতার আনুষ্ঠানিক উদ্বোধন পর্বে প্রেসক্লাবের স্পোর্টস সাব-কমিটির চেয়ারম্যান অলক ঘোষ, কনভেনর অভিষেক দে প্রমুখ উপস্থিত থাকবেন। উল্লেখ্য, অন্যান্য বছরের মতো এবারও আগরতলা প্রেসক্লাবের সদস্য-সদস্যাদের মধ্যে ইনডোর-আউটডোর গেমস-এর পাশাপাশি নতুন সংযোজন বার্ষিক ক্রীড়া প্রতিযোগিতারও আয়োজন করা হয়েছে। আগামীকাল দাবা প্রতিযোগিতার পর ক্রমান্বয়ে ক্রিকেট, ক্যারাম, টেবিল টেনিস, ব্যাডমিন্টন এবং নতুন সংযোজন বার্ষিক ক্রীড়া প্রতিযোগিতাও অনুষ্ঠিত হবে। আগরতলা প্রেসক্লাবের সচিব রমাকান্ত দে এক বিবৃতিতে এ খবর জানিয়েছেন।

## এপ্রিলে আগরতলায় প্রাইজমানি কাবাডি

ক্রীড়া প্রতিনিধি, আগরতলা, ২৪ মার্চ।। তিনদিনব্যাপী আমন্ত্রণমূলক প্রাইজমানি কাবাডি প্রতিযোগিতা শুরু ৩ এপ্রিল থেকে। এগিয়ে চলো সজ্জের উদ্যোগে হবে আসর। তাতে আসাম এবং মনিপুরের পুরুষ বিভাগের দল অংশ নিচ্ছে। যতটুকু খবর, আসরে পুরুষ বিভাগে ৮ টি এবং মহিলা বিভাগে অংশ নিচ্ছে ৪ দল।পুরুষ বিভাগের সেরা দল পাবে ২০ হাজার টাকা। এছাড়াও থাকবে আকর্ষনীয় পুরস্কার।

# সূর্যকে সাত নম্বরে ব্যাট করতে নামানো কি সঠিক সিদ্ধান্ত ? মত জানালেন কপিল



সূর্যকুমার যাদবের পর পর তিন ম্যাচে শূন্য করা নিয়ে চর্চা চলছে। অস্ট্রেলিয়ার বিরুদ্ধে এক দিনের সিরিজে একটিও রান করতে পারেননি মুম্বইয়ের ব্যাটার। প্রতিটি ম্যাচেই প্রথম বলে আউট হয়েছেন সূর্য। এর পরেও তিনি পাশে পেলেন কপিল দেবকে। সূর্যকে সাত নম্বরে নামানোর পরিকল্পনাও ঠিক বলে মনে করেন ভারতের বিশ্বকাপজয়ী অধিনায়ক। অনেকে মনে করেন এক দিনের ক্রিকেটে সূর্যকুমারের বদলে সঞ্জু স্যামসনকে খেলানো উচিত ছিল। তা মানছেন না কপিল। তিনি বলেন, “যে ক্রিকেটার ভাল খেলেছে, তাঁকে সুযোগ দেওয়া উচিত। সূর্যকুমারের সঙ্গে সঞ্জুর তুলনা করা উচিত নয়। সঞ্জু যদি ভাল না খেলতে পারে তা হলে আবার আরেক জনের নাম নেওয়া হবে। এটা হওয়া উচিত নয়। দল যদি মনে করে সূর্যকে বেশি সুযোগ দেবে, তা হলে সেটা করা উচিত। লোকে অনেক কিছু বলবে, কিন্তু শেষ পর্যন্ত দলকেই সিদ্ধান্ত নিতে হবে।” কপিল মনে করেন ম্যাচ শেষ হয়ে যাওয়ার পর অনেক কথাই বলা যায়। প্রাক্তন অধিনায়ক বলেন, “দল হয়তো মনে করেছিল সূর্যকুমারকে সাত নম্বরে পাঠিয়ে ফিনিশার হিসাবে সুযোগ দেবে। এক দিনের ক্রিকেটে বার বার ব্যাটিং অর্ডারে পরিবর্তন নতুন কিছু নয়। আগেও হয়েছে এমন। আসলে ম্যাচ শেষ হয়ে যাওয়ার পর অনেকে অনেক কথাই বলতে পারে। তবে এটা ঠিক, এক জন ব্যাটারকে যদি নীচের দিকে নামানো হয় তা হলে তাঁর আত্মবিশ্বাসে আঘাত লাগতে পারে। যদি ক্রিকেটার মনে করেন যে, তিনি উপরের দিকেই খেলবেন তা হলে সেটা অধিনায়ককে জানিয়ে দেওয়া উচিত। কোচ, অধিনায়কের সঙ্গে মিলে সিদ্ধান্ত নিতে হবে।” অস্ট্রেলিয়ার বিরুদ্ধে এক দিনের সিরিজে ১-২ ব্যবধানে হেরে যায় ভারত। প্রথম ম্যাচে মুম্বইয়ে জিতেছিলেন রোহিতরা। পরের ম্যাচে ১০ উইকেটে হেরে যায় ভারত। শেষ ম্যাচে চেন্নাইয়েও হেরে যায় তারা। এই তিনটি ম্যাচেই শূন্য করেন সূর্য।

## নকআউট ক্রিকেটের সেমিফাইনালে আজ কসমোপলিটন-ফ্রেন্ডস, স্ফুলিঙ্গ-সংহতি

ক্রীড়া প্রতিনিধি, আগরতলা, ২৪ মার্চ।। দুটি সেমিফাইনাল ম্যাচ অনুষ্ঠিত হচ্ছে আগামীকাল। ত পন স্মৃতি নকআউট ক্রিকেট টুর্নামেন্টের। উদ্যোক্তা ত্রিপুরা ক্রিকেট এসোসিয়েশন। আয়োজক, আম্পায়ার, খেলোয়াড়, এমনকি ক্লাব কর্মকর্তারাও এখন তাকিয়ে আকাশের দিকে। কোন কোন ওয়েদার অ্যাপ-এ বৃষ্টির সম্ভাবনা দেখাচ্ছে, আবার অনেকের ভবিষ্যৎবাণীতে

নির্মল আকাশের সংকেত। এমবিবি স্টেডিয়ামে কসমোপলিটন খেলবে ইউনাইটেড ফ্রেন্ডস-এর বিরুদ্ধে। একই সময়ে নরসিংগড়ে পুলিশ ট্রেনিং একাডেমী গ্রাউন্ডে স্ফুলিঙ্গ লড়বে সংহতি ক্লাবের বিরুদ্ধে। লক্ষ্য একটাই, জয়ী হয়ে নকআউট ক্রিকেটের ফাইনালে পৌঁছানো। ক্রিকেট মহলের অনুমান লীগের দুই ফাইনালিস্ট ইউনাইটেড ফ্রেন্ডস এবং স্ফুলিঙ্গ-ই

নক আউট ক্রিকেটের ফাইনালেও পরস্পরের মুখোমুখি হবে। তবে অপর দুটো দল কসমোপলিটন এবং সংহতিও ছেড়ে দেবার পাত্র নয়। গতবারের নকআউট চ্যাম্পিয়ন বলে কথা। সেমিফাইনালের খেলা দেখে মনে হচ্ছে কসমোপলিটনও খেতাবের দাবিদার। তবে এখন সকলেই তাকিয়ে দুই মাঠের খেলা এবং ফলাফলের দিকে।

## আন্ত: স্কুল ভলিবল টুর্নামেন্ট শুরু আজ

ক্রীড়া প্রতিনিধি, আগরতলা, ২৪ মার্চ।। উদ্বোধনী দিনে হবে দুটি ম্যাচ। বিকেল ৩ টায় প্রথম ম্যাচে এ ডি নগর স্কুল খেলবে মনফোর্ট ইংলিশ মিডিয়াম স্কুলের বিরুদ্ধে এবং বিকেল ৪ টায় দ্বিতীয় ম্যাচে খেলবে কামলঘাট স্কুল এবং বি ভি ভবন। আন্ত: স্কুল

অনূর্ধ্ব-১৯ ভলিবল প্রতিযোগিতায়। আজ থেকে উমাকান্ত মিনি স্টেডিয়ামের ভলিবল কোর্টে শুরু হবে দুদিন ব্যাপী আসর। রাজ্য ভলিবল সংস্থার উদ্যোগে। এবছর আসরে অংশ নিয়েছে ৮ দল। ২৬ মার্চ সকালেই দুটি কোয়ার্টার ফাইনাল এবং দুটি

সেমিফাইনাল ম্যাচ হবে। ফাইনাল হবে বিকেল ৩ টায়। প্রতিটি ম্যাচ ৩ সেটের হলেও ফাইনাল ম্যাচ হবে ৫ সেটের। মূলত স্কুল থেকে প্রতিভাবান খেলোয়াড় বের করে আনার লক্ষ্যেই রাজ্য সংস্থার ওই উদ্যোগ বলে জানানলেন কার্যাকরি সচিব চন্দন সেন।

## ছোটদের রাজ্য ক্রিকেটে তেলিয়ামুড়ার দল ঘোষিত

ক্রীড়া প্রতিনিধি, আগরতলা, ২৪ মার্চ।। ঘোষিত হলো তেলিয়ামুড়া মহকুমার দল। ২৬ মার্চ নিজেদের প্রথম ম্যাচে তেলিয়ামুড়া খেলবে সদর ‘এ’ দলের বিরুদ্ধে। এছাড়া আসরে ২৮ মার্চ বিশালগড়, ২৯ মার্চ খোয়াই এবং ১ এপ্রিল মোহনপুর মহকুমার বিরুদ্ধে

খেলবে তেলিয়ামুড়া মহকুমা। আসরে ভালো ফলাফল করা নিয়ে আশাবাদী মহকুমা ক্রিকেট সংস্থার সচিব নন্দন রায়। মহকুমার দশমীঘাট মাঠে পার্থ প্রতীম ভট্টাচার্যর তত্ত্বাবধানে জোড় কদমে হয়েছে প্রস্তুতি। সংস্থার সচিব আশা করেন আসরে ভালো খেলবে

ছেলেরা। ঘোষিত দল: পরিতোষ কলই, অনুপ রায়, দেবার্পন ভট্টাচার্য, মোহিত শীল, বিজয় রুদ্র পাল, তানিজ সাহা, দ্বীপতনু দাস, শায়ন রায়,দ্বীপতনু মালাকার, আদিত্য দেবনাথ, পৃথ্বিরাজ গোপস সুজিত দাস, ওম মোদক, শুভদীপ দেবনাথ এবং সুরজ সরকার।

## আট মাঠে আটটি ম্যাচ দিয়ে ছোটদের রাজ্য ক্রিকেট শুরু আজ

ক্রীড়া প্রতিনিধি, আগরতলা, ২৪ মার্চ।। রাজ্য অনূর্ধ্ব-১৩ ক্রিকেট শুরু আগামীকাল থেকে। উদ্বোধনী দিনে হবে ৮ টি ম্যাচ। নরসিংগড় পঞ্চায়েত মাঠে সদর ‘এ’ খেলবে মোহনপুরের বিরুদ্ধে, নীপকো মাঠে খোয়াই মহকুমা খেলবে বিশালগড়ের বিরুদ্ধে, অমরপুরের চন্ডিবাড়ি স্কুল মাঠে উদয়পুর খেলবে শান্তিরবাজারের বিরুদ্ধে, রাঙ্গমাটি স্কুল মাঠে সাক্রম খেলবে সোনামুড়ার

বিরুদ্ধে, বিশালগড়ের জাঙ্গালিয়া স্কুল মাঠে সদর ‘বি’ খেলবে কৈলাসহরের বিরুদ্ধে, সোনামুড়া স্পোর্টিং অ্যাসোসিয়েশন মাঠে জিরানীয়া খেলবে আমবাসার বিরুদ্ধে, কৈলাসহরের আর কে আই মাঠে ধর্মনগর খেলবে কমলপুরের বিরুদ্ধে এবং রামকৃষ্ণ মহাবিদ্যালয় মাঠে লংতরাইভ্যালি খেলবে গন্ডাছড়ার বিরুদ্ধে।

আসরে ভালো ফলাফল করতে

সবকটি দলই জোড় প্রস্তুতি নিয়ে নিয়েছে। এদিকে বর্ষার মরশুম প্রায় শুরু হয়ে গেছে। বিশেষ করে উত্তর জেলায় বৃষ্টির জন্য বেশ কয়েকটি ম্যাচ পরিত্যক্ত হয়েছে। ওই অবস্থায় রাজ্য আসর কতটুকু সৃষ্ঠভাবে সম্পন্ন করা যাবে তা নিয়েও প্রশ্ন চিহ্ন দেখা দিয়েছে। তবে সবকটি মাঠের কর্তারা তাদের মাঠকে সুন্দরভাবে সাজিয়ে তুলতে কোনও রকম কৃপনতা করেননি।

## রাজ্য ক্রিকেটকে সামনে রেখে জিরানীয়া মহকুমা দলও ঘোষিত

ক্রীড়া প্রতিনিধি, আগরতলা, ২৪ মার্চ।। উদ্বোধনী দিনে মহকুমার প্রতিপক্ষ অমরপুর মহকুমা। সোনামুড়ার স্পোর্টিং অ্যাসোসিয়েশন মাঠে হবে ম্যাচটি। ২৫ মার্চ। রাজ্য অনূর্ধ্ব-১৩ ক্রিকেটে। ২৮ মার্চ কৈলাসহর, ২৯ মার্চ অমরপুর এবং ১ এপ্রিল গ্রুপ লিগে নিজেদের শেষ ম্যাচ খেলবে সদর ‘বি’-র বিরুদ্ধে। আসরে অংশগ্রহণের জন্য ১৪ সদস্যের মহকুমার দল ঘোষনা করেন সচিব শিবায়ন দাস।

ঘোষিত দল: করণ দেব,রাজদীপ সাহা, অয়েশ সাহা, অভিরূপ দাস, সব্জাট চৌধুরি, এসব চক্রবর্তী,মনোজিৎ সরকার, ওমপ্রকাশ চক্রবর্তী, সান চক্রবর্তী, রাজেশ দাস, দেবব্রত পাল, পৃথ্বিরাজ দেব, রাজীব পাল এবং দীপ্তনীল দাস।

## ধর্মনগরে ক্রিকেট ফাইনালে পানিসাগর

ক্রীড়া প্রতিনিধি, আগরতলা, ২৪ মার্চ।। ফাইনালে উঠলো পানিসাগর। রাজ্য রঞ্জি দলের নির্ভরযোগ্য অলরাউন্ডার রজত দে-র হাত ধরে। আসরের দ্বিতীয় সেমিফাইনালে পানিসাগর ৮ উইকেটে পরাজিত করে এন এস সরণীকে। মহকুমা ক্রিকেট সংস্থা আয়োজিত মালাবতি প্রথম ডিভিশন লিগ ক্রিকেটে। কলেজ স্টেডিয়ামে অনুষ্ঠিত ম্যাচে শুক্রবার একতরফা খেলে ফাইনালে খেলার ছাড়পত্র আদায় করে নেয় পানিসাগর। দলের শক্তি বাড়াতে এদিন রাজত কে দলে নেয় পানিসাগরের কর্তারা। সকালে টসে জয়লাভ করে প্রথমে ব্যাট নিয়ে এন এস সরণী ১১৯ রান করে। দলকে শতরানের গন্ডি পার করাতে মুখ্য ভূমিকা নেন দেবপ্রসাদ সিনহা। দল যখন খাদের কিনারায় তখনই ২২ গজে ব্যাট হাতে রুখে দাড়ান দেবপ্রসাদ। করেন ৫২ রান। ওই রান করতে ৯২ বল খেলে ৪ টি বাউন্ডারি ও ১ টি ওভার বাউন্ডারি মারেন দেবপ্রসাদ। পানিসাগরের পক্ষে মুন্না (৪/২১) এবং জয় পাল (৩/২৩) সফল বোলার। জবাবে খেলতে নেমে পানিসাগর ২৪ ওভারে ২ উইকেট হারিয়ে জয়ের জন্য প্রয়োজনীয় রান তুলে নেয়। দলের পক্ষে রাণু দাস ৭১ বল খেলে ৪ টি বাউন্ডারির সাহায্যে ৫০ এবং রজত দে ২৬ বল খেলে ৩ টি বাউন্ডারি ও ২ টি ওভার বাউন্ডারির সাহায্যে ৩৪ রান করেন। ম্যাচের সেরা ক্রিকেটার নির্বাচিত হয়েছেন রজত। এদিকে বৃষ্টির জন্য ও পি সি এবং সেন্ট্রাল রোড ক্রিকেট কোচিং সেন্টারের ম্যাচটি ২৬ মার্চ হবে।

## সন্ত্রাস অবিলম্বে বন্ধ করতে কঠোর পদক্ষেপের দাবিতে জেলা শাসকের দ্বারস্থ সিপিআইএম

নিজস্ব প্রতিনিধি আগরতলা।। রাজ্যের বিধানসভা নির্বাচনের প্রক্রিয়া ইতিমধ্যেই সমাপ্ত। বিজেপির নেতৃত্বে দ্বিতীয় জোট সরকার চলছে এখন রাজ্যে। কিন্তু নির্বাচনোত্তর সন্ত্রাস এখনো রাজ্যের কোন কোন এলাকায় অব্যাহত। বিরোধী দলের কর্মী সমর্থকদের ওপর দৈহিক ও মানসিক আক্রমণ চলছে। এমনই অভিযোগ এনে অবিলম্বে সন্ত্রাস বন্ধ করে শান্তি-শৃঙ্খলা ফিরিয়া আনার দাবিতে পশ্চিম জেলা শাসকের কাছে আবারো ডেপুটেশন প্রদান করল সিপিআইএম পশ্চিম জেলা কমিটি। শুক্রবার পার্টির জেলা সম্পাদক রতন দাসের নেতৃত্বে চারজনের এক প্রতিনিধি দল অতিরিক্ত জেলাশাসকের সাথে দেখা করে রাজ্যের বিভিন্ন এলাকায় সন্ত্রাসের তথ্য তুলে ধরে দাবী সনদ সম্বলিত এক স্মারকলিপি পেশ করেন। পরে মেলারমাঠ স্থিত ভানু ঘোষ স্মৃতিভবনে আয়োজিত এক সাংবাদিক সম্মেলনে জেলা সম্পাদক রতন দাস সন্ত্রাসের বিস্তারিত তথ্য তুলে ধরেন। তিনি জানান নির্বাচনের ফলাফল ঘোষণা হওয়ার পর এখন পর্যন্ত রাজ্যের বিভিন্ন এলাকায় বিরোধী দলের নেতাকর্মী আক্রান্ত হয়েছেন এমন ৩৬৩ জনের নামের তালিকা তুলে ধরা হয়েছে জেলা শাসকের কাছে। এছাড়াও বাড়ি ঘরে হামলা, অগ্নিসংযোগ, ব্যবসায়ী প্রতিষ্ঠানের উপর আক্রমণ রয়েছে বহু। তাই অবিলম্বে এধরনের সন্ত্রাস বন্ধ করতে প্রশাসনকে আরো কঠোর হবার আহ্বান জানান তিনি।



## নাটকের মাঝে ত্রয়োদশ বিধানসভার প্রথম অধিবেশন!

## শুরুতেই ওয়াকআউট তিপ্রা মথার

ত্রিপুরা মুখ ডেইলি, নিজস্ব প্রতিনিধিঃ আজ ২৪ শে মার্চ তিপ্রা মথা বিধায়করা বিধানসভা থেকে বসার ব্যবস্থার প্রতিবাদ করে ওয়াকআউট করেন। আজ স্পিকার নির্বাচনের মধ্য দিয়ে ত্রিপুরা বিধানসভার প্রথম অধিবেশন শুরু হয়েছে। তিপ্রা মথা গতকাল স্বরাষ্ট্রমন্ত্রী অমিত শাহ এর প্রদ্যোত দেববর্মা কে ফোন করার পর থেকেই গলতে শুরু করে। তখন থেকেই প্রশ্ন উঠে দিয়েছিল মথা বিরোধী জোটকে সমর্থন করবে কিনা। এই জল্পনা সত্যিই হল। মনোনয়নপত্র জমা দেওয়ার সময় ছিলেন তিপ্রা মথা কোন বিধায়ক। আজ অধিবেশনের প্রথম দিনেই বসার জায়গা অনুপযোগী বলে

ওয়াক আউট করেন। স্বরাষ্ট্রমন্ত্রীর আশ্বাস রাজ্যের আদিবাসীদের সমস্যাগুলির সাংবিধানিক সমাধানের জন্য তিপ্রা মথার দাবি নিয়ে আলোচনার জন্য ২৭ মার্চের মধ্যে একজন কথোপকথক নিয়োগ করা হবে। আজ স্পিকার নির্বাচনের কয়েক ঘণ্টা আগে প্রদ্যোত টুইট করে জনিয়েছেন বৃহস্পতিবার শাহের আশ্বাসের বিষয়ে আসামের মুখ্যমন্ত্রী হিমন্ত বিশ্ব শর্মার সাথে বৈঠক করেছেন। উল্লেখ্য যে তিপ্রা মথা ১৬ ফেব্রুয়ারি তার প্রথম বিধানসভা নির্বাচনে ১৩টি আসন জিতে দ্বিতীয় বৃহত্তম দল হিসাবে আবির্ভূত হয়েছিল। অন্যদিকে, বিরোধী সিপিআইএম এবং কংগ্রেস, যারা রাজ্যে প্রথমবারের

মতো একটি আসন ভাগাভাগির ব্যবস্থায় নির্বাচনে প্রতিদ্বন্দ্বিতা করেছিল, তারা মাত্র ১১টি আসন এবং তিনটি আসনে জয়লাভ করতে সক্ষম হয়েছিল। এদিকে, প্রাক্তন ডেপুটি স্পিকার এবং বিজেপি-আইপিএফটি প্রার্থী, বিশ্ববন্ধু সেন ২৪ মার্চ ত্রিপুরা বিধানসভার স্পিকার হিসাবে নির্বাচিত হন। সেন ৩২ ভোট পেয়েছিলেন, আর কংগ্রেস নেতা গোপাল চন্দ্র রায় নির্বাচনে ১৪ ভোট পেয়েছিলেন - এই মাসের শুরুতে নতুন সরকার শপথ নেওয়ার পরে রাজ্য বিধানসভা অধিবেশনের প্রথম দিন। ২০১৭ সালে বিজেপিতে যাওয়ার আগে ৬৯ বছর বয়সী বিশ্ববন্ধু সেন কংগ্রেসের সাথেই ছিলেন।

## রাহুল গান্ধীর কুশ পুতুল পুড়ল বিজেপি ওবিসি কর্মকর্তারা

ত্রিপুরা মুখ ডেইলি, নিজস্ব প্রতিনিধিঃ রাহুল গান্ধীর কণ্ঠকে বক্তব্যের আওতন রাজ্যেও পরিলক্ষিত হয় শনিবার। এদিন কংগ্রেস নেতা রাহুল গান্ধীর কুশপুতুল দাহ করল প্রদেশ বিজেপির ওবিসি মোর্চা। প্রধানমন্ত্রীর নরেন্দ্র মোদিকে নিয়ে ২০১৯ সালে রাহুল গান্ধী একটি অবমাননাকর মন্তব্য করেছিলেন। পরে রাহুল গান্ধীর এই মন্তব্যের খেই ধরে গুজরাট সুরাটের এক আদালতে এক বিজেপি নেতা মানহানির মামলা দায়ের করেন। সেই মামলার পরিপ্রেক্ষিতে বৃহস্পতিবার সুরাট আদালত রাহুল গান্ধীকে দুই বছরের কারাদন্ডের ঘোষণা দেয়। এমনকি শুক্রবার লোকসভার সদস্য হিসেবে রাহুল গান্ধীর সদস্য পদও খারিজ করে দেন অধ্যক্ষ। আগামীতে যদি এই রায়ের পরিবর্তন না হয় পরবর্তী আট বছরের জন্য তিনি নির্বাচনেও



দাঁড়াতে পারবেন না। এই রায়ের উল্লসিত বিজেপি কর্মকর্তারা। রাহুলের বক্তব্যের জেরে জনগনের মনে যে ঠেস পরেছে তার প্রতিবাদে প্রদেশ বিজেপির ওবিসি মোর্চার পক্ষ থেকে শুক্রবার দলের নির্বাচনী কার্যালয়ের সামনে রাহুল গান্ধীর কুশপুতুল দাহ করা হয়। শাসক দলের কর্মকর্তাদের বক্তব্য, রাজনৈতিক সীমা না পেরিয়ে রাজনীতি করুক। নীতি গত পার্থক্য থাকতেই পারে। সেই বলে একটা জাতিকে লক্ষ্য করে চোর বলা যায়না।

## বিধানসভার চলাকালীন সময়কালে মহাকরণের সামনে বিক্ষোভে টিএসএফ

আগরতলা।। শুক্রবার বিধানসভা অধিবেশনের প্রথম দিন ককবরক বিষয় রোমান হরফে লেখার জন্য দাবি তুলে বিক্ষোভের সামিল হয় টি এফ এফ। তাদের দাবি, রোমান হরফে লেখার জন্য সরকারকে সুযোগ করে দিতে হবে। এটা জনজাতিদের অধিকার। যতক্ষণ না পর্যন্ত এই দাবি পূরণ হবে ততক্ষণ পর্যন্ত আন্দোলন চলবে বলে জানান তারা। এদিকে বিধানসভা অধিবেশনে এবছর মধ্যে শিক্ষা পর্যদ পরিচালিত মাধ্যমিকের ককবরক পরীক্ষার অনিয়মের প্রসঙ্গ তুলে ধরেন বিরোধী দলনেতা অনিমেঘ দেববর্ম। তিনি বলেন গত ১৮ মার্চ মাধ্যমিকের ককবরক পরীক্ষায় দেখে গেছে পরীক্ষার্থীদের স্ক্রিপ্ট বাংলাতে লেখার জন্য বাধ্য করা হয়েছে। ইংরেজি এবং দেবনাগরী অক্ষরে লিখতে দেওয়া হয়নি। তাই এ বিষয়টি যাতে রাজ্যের শিক্ষা দপ্তরের ভারপ্রাপ্ত বর্তমান মুখ্যমন্ত্রী গুরুত্বের সাথে অনুধাবন করে পুনরায় পরীক্ষার ব্যবস্থা করে তার জন্য দাবি করেন অনিমেঘ দেববর্ম। পাশাপাশি তিনি বলেন যারা পরীক্ষার্থীদের ইংরেজি বা দেবনাগরী অক্ষরে লিখতে দেয়নি তাদের চিহ্নিত করে অবিলম্বে বরখাস্ত করার দাবি জানান। পাশাপাশি সঠিক তদন্ত করারও দাবি তুলেছেন তিনি। মুখ্যমন্ত্রী এর পরিপ্রেক্ষিতে বিধানসভায় দাঁড়িয়ে বলেছেন বিষয়টি আগামী ২৮ শে মার্চ বিধানসভায় জানাবেন।

## বসন্ত উৎসবে রাজলো কচিকাচা শিশুরা

ত্রিপুরা মুখ ডেইলি, বিলোনিয়া প্রতিনিধিঃ প্রকৃতি যখন তার দখিন দুয়ার খুলে দেয় তখন মিষ্টি বাতাস বয়ে যায় নিজ ছন্দে আর বলে যায়, 'বসন্ত এসে গেছে'। বসন্ত মানেই কোকিলের ডাক আর প্রকৃতিতে নানা রঙের সমাহার। প্রকৃতির মতোই নানা রঙে রাঙিয়ে বসন্ত উৎসবে মাতোয়ারা হলো সবুজ স্ট্রের কচিকাঁচা



শিশুরা লাল-হলুদ-সবুজ-গোলাপি রঙের আবির্ দিয়ে একে অপরকে রাসিয়ে, নাচ গান ও আলোচনার শেষে মিষ্টি বিতরণ, এ যেন ঋতুরাজ বসন্তকে বরণ করে নেওয়ার পালা। বসন্ত বরন কর্মসূচিকে ঘিরে শুক্রবার সকালে বিলোনিয়া শিশু উদ্যান ছিল অন্য রকমের। একদিকে পাখিদের কলতান অন্যদিকে ছিল কচিকাঁচা শিশুদের উচ্চাস নিজেদের নানা রং এ রাসিয়ে নেওয়া। সবুজ স্ট্রের উদ্যোগে বসন্ত বরন কর্মসূচি আয়োজিত হলেও সহযোগিতায় ছিলেন তথ্য সংস্কৃতি দপ্তর ও বিলোনিয়া পৌর পরিষদ। বসন্ত বরন কর্মসূচি প্রদীপ প্রজন্মের মধ্য দিয়ে সূচনা করেন বিলোনিয়া পূর্ব পরিষদের চেয়ারম্যান নিখিল চন্দ্র গোপ। সাথে ছিলেন কাউন্সিলর অনুপম চক্রবর্তী, বিশিষ্ট সমাজসেবক গৌতম সরকার, বিশিষ্ট সঙ্গীতশিল্পী যদু গোপাল বৈদ্য, সহ অন্যান্য অতিথিরা। এই দিনের আয়োজিত বসন্ত বরন অনুষ্ঠান মধ্যে সবুজ স্ট্রের কচিকাঁচা শিশুরা সহ অন্যান্য শিশু শিল্পীরা সঙ্গীত ও নৃত্য পরিবেশন করে। পাশাপাশি সবুজ স্ট্রের অধ্যক্ষ হরিপ্রসাদ মজুমদার স্বাগত বক্তব্যের পরেই উদ্বোধক বিলোনিয়া পৌর পরিষদের চেয়ারম্যান নিখিল চন্দ্র গোপ আলোচনা রাখেন এই দিনের বসন্ত বরন অনুষ্ঠান মধ্যে।

ত্রিপুরা মুখ ডেইলি, নিজস্ব প্রতিনিধিঃ করতে পারি'।

২৪শে মার্চ বিশ্ব যক্ষ্মা দিবস। ডাঃ রবার্ট এই বিশ্ব যক্ষ্মা দিবস উপলক্ষ্যে প্রতি



কুচ ২৪ শে মার্চ ১৮৮২ সালে মাইকোব্যাক্টেরিয়াম টিউবারকুলোসিস আবিষ্কারের কথা ঘোষণা করেন। তিনি দাবি করেছিলেন এই ভাইরাস টিবি সৃষ্টি করে। ডাঃ রবার্ট কুচের আবিষ্কারের ১০০ বছর পর ২ (চতুর্থা) ১৯৮২ সালে বিশ্ব যক্ষ্মা দিবস দিনটি ঘোষণা করে এরপর থেকে প্রতি বছর এই দিনটির একটি থিমের মাধ্যমে পালিত হয়। এবছরের থিম 'হ্যাঁ আমি টিবি শেষ

বছরের মত এবছরও শুক্রবার সকালে পশ্চিম ত্রিপুরা জেলা ভিত্তিক বিশ্ব যক্ষ্মা দিবস পালন করা হয় মধ্য প্রতাপগড় শহরে প্রাথমিক স্বাস্থ্য কেন্দ্রের অধীন জগহরিমুরা হেলথ এন্ড ওয়েলনেস সেন্টারে এক অনুষ্ঠানের মধ্য দিয়ে। অনুষ্ঠানে উপস্থিত ছিলেন আগরতলা পুর নিগমের মেয়র দীপক মজুমদার, পুর নিগমের মেয়র দীপক মজুমদার, রাজ্য স্বাস্থ্য দফতরের মুখ্য স্বাস্থ্য আধিকারিক সহ দফতরের আরও

অনেকে। অনুষ্ঠানে কয়েকজন যক্ষ্মা রোগীকে পুষ্টির খাবার প্রদান করা হয়। এদিন সকালে অনুষ্ঠানের প্রথমে এক র্যা লির আয়োজন করা হয়। র্যা লিতে উপস্থিত ছিলেন আগরতলা পুর নিগমের মেয়র দীপক মজুমদার, ডেপুটি মেয়র মনিকা দাস দত্ত, রাজ্য স্বাস্থ্য দফতরের মুখ্য স্বাস্থ্য আধিকারিক সহ আরও অনেকে। র্যা লিটি রাজধানির বিভিন্ন পথ পরিভ্রমণ করে। রেলীর মাধ্যমে জন সাধারণকে যক্ষ্মা রোগ বিষয়ে সচেতন করা হয়। আগরতলা পুর নিগমের মেয়র দীপক মজুমদার বলেন, ২০২৫ সালের মধ্যে দেশ থেকে যক্ষ্মা দূর করার জন্য ভারত সরকার পদক্ষেপ গ্রহণ করেছে। সরকারের এই প্রয়াসকে বাস্তবায়িত করার লক্ষ্যেই সারা দেশে সচেতনতামূলক রেলি সহ নানা কর্মসূচি গ্রহণ করা হয়েছে।।

## মেয়ের দায়ের আঘাতে গুরুতর আহত বাবা

আগরতলা। গান্ধীগ্রাম মধ্যপাড়া এলাকার বাসিন্দা সুধন সাহার মেয়ে অনামিকা সাহা বিয়ের পর থেকেই তার বাবার বাড়িতে স্বামীকে নিয়ে বসবাস শুরু করে।। এরই মধ্যে অনামিকা সাহা তার বাবার কাছে তিন গভা বাড়ি জায়গা দাবি করে।। তার বাবা সুধন সাহা দুই গভা জায়গা দেওয়া হবে বলেই মেয়েকে জানান। কিন্তু তার মেয়ে রাজি হননি। এই নিয়ে বেশ কিছুদিন আগে অনামিকা সাহা তার বড় ভাইয়ের বিরুদ্ধে থানাতে একটি মিথ্যা মামলা দায়ের করে। শুক্রবার অনামিকার সাহার বাবা সেই মামলাটি কোর্ট থেকে প্রত্যাহার করা দাবি জানান মেয়ের কাছে। কিন্তু মেয়ে আগে জায়গা দিতে হবে তারপর মামলাটি প্রত্যাহার করবে বলেই তর্কবিতর্ক জড়িয়ে পড়েন। এরই মধ্যে অনামিকা সাহা একটি দা দিয়ে তার বাবার পায়ে আঘাত করে এতেই রক্তাক্ত হন বৃদ্ধ বাবা। পরে ছেলে এবং ছেলের বউ রক্তাক্ত অবস্থায় সুধন সাহা কে উদ্ধার করে আই জি এম হাসপাতালে নিয়ে আসে চিকিৎসার জন্য। অনামিকা সাহার বাবা জানান এই বিষয় নিয়ে মেয়ের বিরুদ্ধে আইনের দ্বারস্থ হবে। এই ঘটনাকে কেন্দ্র করে এলাকায় চাঞ্চল্য ছড়িয়ে পড়ে।

## বিজ্ঞপ্তি

এতদ্বারা তপশিলি জাতি ভুক্ত ছাত্র/ছাত্রীদের জানানো যাইতেছে যে, তপশিলি জাতি কল্যাণ দপ্তর কর্তৃক প্রকাশিত বিজ্ঞপ্তি মূলে ত্রিপুরায় স্থায়ীভাবে বসবাসকারী যে, সমস্ত তপশিলি জাতি ভুক্ত ছাত্র/ছাত্রী ২০২২-২৩ ইং শিক্ষা বর্ষে বিভিন্ন পেশাগত পাঠ্যক্রমে পড়াশুনা করার জন্য শর্ত সাপেক্ষে এককালীন আর্থিক সহায়তা পাওয়ার আবেদন করেছেন তাদের মধ্য থেকে ২য় পর্যায়ের চূড়ান্ত প্রার্থী তালিকা নির্বাচন করা হয়েছে।

উক্ত নির্বাচিত প্রার্থী তালিকা সকলের অবগতির জন্য তপশিলি জাতি কল্যাণ দপ্তরের Website: [www.scw.tripura.gov.in](http://www.scw.tripura.gov.in) এবং Notice Board এ দেওয়া হয়েছে।

স্বাঃ- (সন্তোষ দাস)

অধিকর্তা

তপশিলি জাতি কল্যাণ দপ্তর

ত্রিপুরা সরকার

দূরভাষ : ০৩৮১-২৩২ ৩৩৬৩

ICA-D-2229/23